



KOMUNIKADO DI PRENSA Willemstad, 21 sèptèmber 2023

TARIFA DI GASOLIN, DIESEL, ELEKTRISIDAT I AWA TA SUBI

WILLEMSTAD – Entrante djamars 26 di sèptèmber 2023 e tarifa di gasolin i diesel ta subi na Kòrsou. Tambe e tarifa di elektrisidat i awa ta subi entrante djadumingu 1 di òktober 2023. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Kálkulo tarifa produktonan kombustibel

E kálkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa òktober 2023, en prinsipio ta basá riba e reserva di kombustibel disponibel pa final di ougùstùs 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento 'Sùrplùs/Défisit'.

Preisnan internashonal pa zeta i kombustibel ta subiendo kontinuamente desde yùni 2023. Maske ku e preis di kompra pa Mogas 95 a baha, e tarifa usuario final pa Mogas 95 ta subi debí na e subida fuerte den e komponente di korekshon. E tarifa usuario final pa Gasoil LSD lo subi prinsipalmente debí na e subida fuerte den e preis di kompra kual ta kore paralèl ku esun di Platts. Pa preveni un fluktuashon grandi den un solo biaha den e tarifa usuario di Gasoil LSD, e subida di e preis di kompra lo wordu repartí den dos pida medio di un komponente di korekshon negativo. E medida aki lo wòrdu koregí denter di e lunanan binidero. Tarifa usuario final pa LPG ta keda mesun kos. E komponentenan di "Garantia di suministro di kombustibel" ta wòrdu levemente ahustá despues ku e prefinansiamentu dor di RdK i Curoil relatá na e gastunan pa uso di e infrastruktura riba e tereno di refineria yega na su fin.

Kálkulo tarifa awa i koriente

E kálkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel.



E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di òktober 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di ougùstùs 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E subida di e tarifanan pa elektrisidat prinsipalmente ta resultado di un promedio mas altu di kostonan di kombustibel pa produkshon di elektrisidat, pa motibo di un subida supstansial di preis di kombustibel den kombinashon ku e produkshon-miksto antisipá i un faktor di korekshon supstansial mas altu pa e luna di ougùstùs 2023. E subida di tarifanan di awa ta resultado di kostonan di elektrisidat mas altu pa produkshon di awa i un faktor di korekshon supstansial mas altu pa luna di ougùstùs 2023.

Aprobashon i fihamentu

BT&P ta asesará Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.